

PLOD centar Bihać



Razvojnim programom Ujedinjenih nacija (UNDP), konzularno-diplomatskim predstavništvima, te drugim organizacijama unutar i van BiH koje djeluju u oblasti lokalnog i regionalnog ekonomskog razvoja. Svojim besprijekornim radom i velikim zalaganjem koje počiva na ljubavi prema svom poslu i željom za usavršavanjem, mala ali vrijedna i uhodana ekipa PLODA neprestano širi svoj krug partnerstava ali i prijateljstava.

Misija PLODA je:

Doprinijeti bržem ekonomskom razvoju i stvaranju boljeg poslovnog okruženja na području Unsko-sanskog kantona kroz:

- kreiranje i implementaciju razvojnih projekata i programa za vladin i privatni sektor
- promociju lokalne zajednice i regije
- jačanje konkurentnosti i promociju malih i srednjih poduzeća sa područja USK
- pružanje savjetodavne podrške javnom sektoru i poduzetnicima u procesu razvoja i EU integracija

Vizija PLODA jeste da bude vodeći centar za razvoj koji svojim projektima i stručnom podrškom potiče socio-ekonomski razvoj na području Unsko-sanskog kantona konstantno se razvija.

PLOD CENTAR BIHAĆ – Centar za promociju lokalnog razvoja je udruženje građana osnovano 2007. godine s ciljem da doprinese bržem i efikasnijem razvoju i stvaranju boljeg poslovnog okruženja na području općine Bihać i Unsko-sanskog kantona, kao i s namjerom da osigura stručnu podršku vladinom, nevladinom i privatnom sektoru u procesu razvoja i EU integracija. Šest godina poslije, PLOD je u potpunosti ostvario svoj primarni cilj i dalje teži ka većim uspjesima.

PLOD djeluje u Sjeverozapadnoj regiji Bosne i Hercegovine, a primarno na području Unsko-sanskog kantona (USK) i općine Bihać. PLOD je razvio strateška partnerstva sa općinama, javnim poduzećima, nevladinim organizacijama, kao i intenzivnu suradnju sa malim i srednjim poduzećima iz Unsko-sanskog kantona. Provodeći razvojne projekte, PLOD Centar je uspostavio suradnju sa Delegacijom Evropske unije u BiH, Američkom agencijom za međunarodni razvoj (USAID),

I mi smo tu

Projektat „I mi smo tu“ provodi PLOD Centar, a realizuje se u sklopu UNDP-ovog projekta „Jačanje lokalne demokratije/demokracije III – LOD III“ kojeg finansira Evropska unija iz sredstava Instrumenta za prepristupnu pomoć (IPA) u iznosu od 2 miliona eura, a u suradnji sa Općinom Bosanska Krupa.

Ukupna vrijednost projekta „I mi smo tu“ je 55.000 KM, a trajeće 7 mjeseci. Cilj projekta je stvaranje uvjeta za optimalan razvoj marginalizirane i isključene djece u skladu sa njihovim mogućnostima, bez obzira na rasnu pripadnost, socijalni status, te psihofizičke karakteristike. Ciljana grupa ovog projekta su djeca sa poteškoćama u razvoju, romska djeca i njihovi roditelji.



Projektom će se osigurati materijalno-tehnički uslovi za ugodniji i kvalitetniji boravak djece u obdaništu, uz pomoć stručnog osoblja koja će pružati potrebnu podršku i pomoć djeci i roditeljima u obdaništu (pedijatar, logoped, psiholog, stručna

osoba za rad sa djecom sa posebnim potrebama), takođe će se pripremiti plan i program rada u uvjetima u kojima je potrebno uključivanje marginalizovanih grupa. U sklopu projekta će se educirati najmanje dva odgajatelja za rad sa djecom sa posebnim potrebama.

Pored djece koja već idu u obdanište, biće uključeno još petoro djece sa posebnim potrebama i desetero romske djece, koje će jednom sedmično dolaziti u obdanište zbog socijalizacije, terapije i samog predškolskog obrazovanja, dok će njihovim roditeljima biti osigurana stručna savjetodavna pomoć. Pored toga, planirana je organizacija raznih tematskih manifestacija i događaja.

Koalicija za jači glas male privrede



- Uspostavljena koalicija udruženja mikro i malih poduzeća (podizanje svijesti MSP o značaju, kreiranja zajedničke platforme rada);
- Zajedničke analize poslovnog okruženja sa akademskom zajednicom;
- Monitoring i lokalne kampanje;

Ciljna grupa(e): 142.420 malih biznisa u 58 lokalnih zajednica i 10 novih udruženja poduzetnika, 29 postojećih udruženja poduzetnika, sedam ključnih Vladinih institucija (Ministarstvo vanjske trgovine i ekonomskih odnosa BiH, Federalno Ministarstvo razvoja, poduzetništva i obrta, Ministarstvo industrije i rudarstva RS, Kantonalna ministarstva u Tuzli, Bihaću, Mostaru i Zenici), sedam ekonomskih fakulteta u Bosni i Hercegovini.

Očekivani rezultati:

Stimulisano kreiranje 10 novih udruženja (za učestvovanje u radu umrežavanja i predstavljanja malih biznisa);

- Ojačani kapaciteti 15 postojećih udruženja primjenom minimalnih standarda rada;
- Uspostavljena koalicija udruženja malih biznisa (funkcionalna koalicija malih biznisa i njihov jak utjecaj);
- Zajednički rad Akademske zajednice i MSP,
- Monitoring Vladinih ključnih politika i podignuta svijest javnosti o poslovanju/nedostatku poslovanja ključnih ministarstava.

“Koalicija za jači glas male privrede” je projekat koji finansira Evropska unija kroz Instrument za pretrispustnu pomoć (IPA 2012).

Projekat provodi Udruženje za poduzetništvo i posao LiNK Mostar u saradnji sa partnerima Nezavisni biro za razvoj – (NBR) Gradačac, Udruga poduzetnika i poslodavaca – (UPIP) Žepče, Centar za promociju lokalnog razvoja – (PLOD) Bihać, Udruženje drvoprerađivača – (DRVO-PD) Prijedor i Nevladinom organizacijom COSPE Italija.

Ukupna vrijednost projekta iznosi 261.105,00 EUR od čega Evropska unija finansira 89,46% uz sufinansiranje partnera 10,54%. Trajanje projekta je 20 mjeseci.

Generalni cilj projekta je djelovanjem mreže OCD ubrzati reforme za kreiranje dobrog poslovnog okruženja u skladu sa EU aktom za mala i srednja poduzeća (Small Business Act).

Specifični cilj projekta su:

- “Ojačati” glas malih biznisa i njihove zahtjeve učiniti jasnim i lako primjenjivim
- Povećati svijest Vladinih institucija za rad sa poslovnim sektorom

Generalne aktivnosti projekta su:

- Jačanje udruženja poduzetnika (iniciranje kreiranja novih i jačanje postojećih);

Strategije za budućnost

UNDP u okviru aktivnosti isporuke tehničke pomoći i obuke za lokalne vlasti u proces integriranog strateškog planiranja u projektu integriranog lokalnog razvoja (ILDLP) podržava izradu strategija za općine Bihać, Velika Kladuša, Ključ i Sanski Most gdje konzorcij sastavljen od agencija MICRO projekt d.o.o. iz Splita i Udruženje Centar za promociju lokalnog razvoja – PLOD Centar iz Bihać koordiniraju i upravljaju procesom izrade strategija kroz Osiguranje učinkovite, integrirane tehničke pomoći lokalnim vlastima i njihovim socio-ekonomskim partnerima kroz razvoj dugoročnih lokalnih strategija temeljih na standardiziranoj metodologiji planiranja lokalnog razvoja

Projekat integriranog lokalnog razvoja (ILDLP), kao sastavni dio UNDP-ovog Programa lokalne uprave, podržava dalju konsolidaciju sistema

strateškog planiranja na lokalnom nivou u BiH putem: pospešivanja integriranja lokalnih strateških planova u strateške i finansijske okvire i planove viših nivoa vlasti; i podrške kritičnoj masi jedinica lokalne samouprave u primjeni harmoniziranog pristupa strateškom planiranju i učinkovitom upravljanju procesima lokalnog razvoja u partnerstvu sa njihovim lokalnim zajednicama.

Radeći istovremeno na nivou kreiranja politika i njihovoj primjeni u praksi, ILDP se pozicionirao kao jedna od ključnih inicijativa koja pruža podršku sistematičnom strateškom planiranju na lokalnom nivou i jača kapacitete lokalnih vlasti da učinkovito planiraju i upravljaju razvojnim procesima, sve u skladu sa razvojnim prioritetima zemlje i procesima integracije u Evropsku uniju.

U okviru druge faze ILDP projekta za općine koje su već izradile svoje strategije Bosanski Petrovac, Cazin, Bužim, Bosanska Krupa i Kostajnica, PLOD Centar u konzorciju sa agencijom EDA iz Banja Luke radi na pružanju tehničke pomoći i osigurava programe obuke i jačanje institucionalnih kapaciteta partnerskih jedinica lokalne samouprave u vezi planiranja, koordinacije i provođenja strateškog planiranja.

Kao jedan od bitnih sudionika lokalnog razvoja PLOD Centar je član Kantonalnog odbora za razvoj u procesu izrade strategije Unsko-sanskog Kantona koja se također izrađuje u okviru projekta ILDP.

LED NET - Inicijativa za kreiranje mreže za lokalni ekonomski razvoj u BiH

Centar za promociju lokalnog razvoja - PLOD Bihać je u junu 2011. godine započeo sa implementacijom projekta "Inicijativa za kreiranje mreže za lokalni ekonomski razvoj u BiH - LED NET", čiji je cilj povezivanje organizacija civilnog društva u Bosni i Hercegovini, razmjena znanja, jačanje njihove uloge u procesu lokalnog i regionalnog ekonomskog razvoja, te unaprijeđenje saradnje između vladinog, nevladinog i privatnog sektora.

Ukupna vrijednost projekta je 259.620 EUR od čega Evropska unija financira 231.062 EUR u okviru instrumenta za pretprijetnu pomoć IPA 2009. Projekat se implementira u saradnji sa drugim organizacijama za lokalni ekonomski razvoj: Udruženjem za poduzetništvo i posao - LINK Mostar, Udruženjem Nezavisni biro za razvoj - NBR Gradačac, Udrugom poduzetnika i poslodavaca - UPIP Žepče i Centrom za razvoj Hercegovine - CRH Trebinje.

LED NET je nastao kao odgovor na nedovoljnu uključenost civilnog sektora u proces provođenja socio-ekonomskih reformi u BiH, s ciljem da podrži i osnaži umrežavanje organizacija za lokalni ekonomski razvoj i njihov doprinos u oblasti lokalnog i regionalnog ekonomskog razvoja u BiH. Projektom je osigurana dugoročna saradnja organizacija, kao i međusobna razmjena znanja i pozitivnih iskustava koja vodi ka jačanju lokalne ekonomije i stvaranju boljih uvjeta za ekonomski rast i razvoj poduzetništva.

Ciljna grupa projekta su organizacije za lokalni ekonomski razvoj, svi nivoi vlasti u BiH, te svi ostali akteri koji učestvuju u procesu lokalnog/regionalnog ekonomskog razvoja u BiH, a naročito mala i srednja poduzeća, obrazovne institucije, te zajednice u cjelini, kojima će se poboljšati kvaliteta života kao rezultat jačanja lokalne ekonomije.

U okviru projekta su realizirane sljedeće aktivnosti:

- uspostavljena LED NET koalicija (mreža), potpisan Memorandum o razumijevanju između partnerskih organizacija;
- kreiran Pravilnik o radu LED NET koalicije (mreže); LED NET koalicija (mreža) prezentirana u medijima;
- organizirana i održana konferencija „Organizacije civilnog društva u razvoju demokratije i civilnog društva s posebnim osvrtom i ulogom LED NET koalicije u domenu lokalnog/regionalnog razvoja“
- organizirana i održana 4 okrugla stola (Mostar, Tuzla, Žepče i Trebinje),
- LED NET koalicija predstavljena javnosti preko web stranica koalicionih članica i kroz zajedničke promotivne materijale (bilten i letak),

- šest novih organizacija se pridružilo LED NET koaliciji (Agencija za ekonomski razvoj Grada Prijedora – PREDA PD, Udruženje za ruralni razvoj i zaštitu okoliša - ECO LINE Mostar, Razvojna agencija Žepče - RAŽ Žepče, Udruženje BOSPER Tuzla, Udruženje građana OAZA Tuzla, Lokalna razvojna agencija PROGRES, Posušje)
- održano 9 setova edukacija za razvoj kapaciteta organizacija za lokalni ekonomski razvoj;
- pismo sa prijedlozima za poboljšanje programa raspodjele grantova malim i srednjim poduzećima i saradnje sa interesnim stranama LED NET-a poslano Ministarstvu razvoja, poduzetništva i obrta Federacije BiH
- pokrenuta inicijativa za dopunu prijedloga Zakona o podsticanju razvoja malih i srednjih poduzeća Ministarstvu industrije, energetike i rudarstva Republike Srpske (PREDA-PD)
- organizirana studijska posjeta Varaždinskoj županiji (posjećena Garancijska agencija GARA, Razvojna agencija AZRA, Poslovne zone d.o.o.),
- kreirana zajednička baza primjera dobre prakse i prezenirana u lokalnim zajednicama,
- izvršen transfer primjera pozitivne prakse lokalnim zajednicama i organizacijama civilnog društva,
- organizirane edukacije za lokalne učesnike razvoja,
- LED NET koalicija učestvovala u procesu kreiranja politika/mjera koje se odnose na lokalni/regionalni razvoj,
- organizovana konferencija „Identifikacija politika i mjera za doprinos lokalnom/regionalnom razvoju BiH“ na kojoj su identificirane platforme i inicijative koje će ubrzati lokalni/regionalni ekonomski razvoj BiH,
- potpisan Memorandum o razumijevanju između članica LED NET koalicije i predstavnika Ministarstva razvoja, poduzetništva i obrta Federacije BiH.
- u toku je potpisivanje Memoranduma o razumijevanju između članica LED NET koalicije i predstavnika Ministarstva industrije, energetike i rudarstva Republike Srpske

Postignuti rezultati su:

- razvijeni kapaciteti organizacija civilnog društva;
- razmijenjeno 10 pozitivnih praksi, što će rezultirati kreiranjem 10 razvojnih projekata koji će biti implementirani u najmanje 10 lokalnih zajednica;
- koalicija organizacija civilnog društva utjecala na kreiranje najmanje 10 politika i mjera koje se odnose na lokalni/regionalni razvoj
- unaprijeđena saradnja između nevladinog, vladinog i privatnog sektora.



Projektima Evropske unije ojačani turistički kapaciteti područja općine Bihać i Nacionalnog parka Una



Evropska unija je podržala razvoj turizma na području općine Bihać i Nacionalnog parka Una kroz dva strateški značajna projekta. Riječ je o projektima "Razvoj eko-zone NP Una i obogaćivanje njegove turističke ponude" koji su kreirani od strane PLOD centra, a koje su implementirali PLOD Centar i Općina Bihać, te projekat prekogranične suradnje "Una-izvor života" implementiran od strane PLOD Centra, Općine Bihać i Turističke zajednice Unsko-sanskog kantona u suradnji sa Zadarskom županijom, Općinom Gračac, Javnom ustanovom za upravljanje zaštićenim područjem u Zadarskoj županiji, Razvojnom agencija Zadarske županije – ZADRA, Turističkom zajednicom Zadarske županije i Udruhom Una.

Rezultati ovih projekata očituju se prvenstveno u izgrađenoj i poboljšanoj turističkoj infrastrukturi:

- Izgrađenim piknik zonama na Štrbačkom Boku i Martin Brodu sa pratećim mobilijarom (klupama, kompostnim toaletima, ogradama)
- Dvije osmatračnice na području Štrbačkog Boka i Martin broda
- na području Nacionalnog parka Una i njegove bliže okolice markirano je 191,5 km planinarskih i biciklističkih staza na kojima su uređena 24 vidikovca
- na slapovima u Martin Brodu u potpunosti su renovirani prilazni mostovi, te je renoviran vidikovac na slapu
- obnovljen krov na Planinarskom domu Plješevica, a u blizini Planarskog doma Klekovača izgrađen je kompostni toalet.
- Restaurirana je sjeverna kula starog Grada Ostrovića iznad Kulen Vakufa

Pored ovih najvidljivijih rezultata koji su diketno na terenu osnažili i obogatili turističku ponudu, postavljena je turistička signalizacija, informativne table, table dobrodošlica kao i table upozorenja na cijelom području Np Una (50 tabli turističke signalizacije, 4 table dobrodošlice, 5 informativnih tabli i 40 upozoravajućih tabli), kroz edukacije i treninge povećana je svijest i izgrađeni kapaciteti lokalnog stanovništva i interesnih grupa u turizmu (260 osoba) unutar Nacionalnog parka Una kroz organizaciju 29 edukativnih radionica;

- unaprijeđeni i razvijeni uslužni servisi kroz obuku 13 planinskih vodiča kojima su dodijeljeni certifikati i 10 pripadnika Gorskog službe spašavanja;



- nabavljena oprema za Gorsku službu spašavanja (čamci, skije, GPRS, konopci, ruksaci, šatori itd.);
- nabavljena oprema za Info pult NP Una u Bihaću i Servis za iznajmljivanje opreme (kancelarijska oprema, 5 rafting čamaca i 25 bicikla sa sigurnosnom opremom);
- dodijeljeni grantovi za poboljšanje klastera pansionorskog smještaja, te izvršena dodjela namještaja i opreme (9 pružatelja usluga turističkog smještaja) iz Kulen Vakufa i Martin Broda;
- završeno ispitivanje tržišta i izrađeni turistički paketi Nacionalnog parka Una, te kreiran marketing plan za promociju turističkih paketa;
- kreirani promotivni materijali.
- izrađen zajednički strateški dokument za razvoj prekograničnog turizma pod nazivom „Strategija razvoja turizma na prekograničnom području gornjeg toka rijeke Une“ koji će predstavljati strateški okvir za poboljšanje ekonomske situacije u graničnom području;

- izrađena brošura i web stranica turističke ponude prekograničnog područja gornjeg toka rijeke Une.

Implementacijom ovih projekata koja je trajala od septembra 2010. do juna 2013. godine, a čija je vrijednost bila preko 650 000 Eura, postignuta je sinergija rezultata koja se očitovala unaprijeđenjem turističke infrastrukture na lokacijama koje su važne za razvoj turizma kako ovog područja tako i prekograničnog područja, izgrađeni su kapaciteti NP Una, te pomoćnih službi i servisa od značaja za razvoj zaštićenog područja, unapređena je suradnja i koordinacija aktivnosti sa obje strane granice, ojačani ljudski kapaciteti u sektoru turizma, povećana svijest o uslovima života i rada unutar ili u blizini zaštićenih prirodnih područja, te izgrađen imidž područja općine Bihać kao eko-avanturističke destinacije.



Zeleni Otoci



Projekat "Zeleni otoci" je prekogranični projekat koji je rezultat partnerskih i prijateljskih napora implementatora Općine Bosanska Krupa, Centra za promociju lokalnog razvoja PLOD Centar i Općine Bihać iz Bosne i Hercegovine, te Zadarske županije i Javne ustanove za upravljanje zaštićenim dijelovima prirode Zadarske županije – Natura Jadera. Finansiran je sredstvima EU u okviru IPA Programa za prekograničnu saradnju Hrvatska – Bosna i Hercegovina 2007. - 2013., a potpisan 18. maja ove godine. Vrijednost projekta sa bh. strane je 207,035,47 EUR.

Cilj projekta je očuvati, revitalizirati i promovirati odabrane urbane zelene površine na području općine Bosanska Krupa, općine Bihać i Zadarske

županije, te zajedničkim aktivnostima doprinijeti očuvanju i zaštiti prirode. U općini Bihać će se u svrhu revitalizacije parka izraditi studija za revitalizaciju i implementirati aktivnosti kako bi se obnovio Gradski park. Općine Bosanska Krupa i Bihać će zajedno sa Zadarskom županijom kreirati zajednički sistem upravljanja gradskim zelenim površinama, te Geografsko-informacioni sistem (GIS).

Ovaj projekat će doprinijeti podizanju kvalitete života kroz revitalizaciju i zaštitu životne sredine, te promovirati svoja područja kao atraktivne turističke destinacije. Provedba projekta započela je 18. maja, a trajat će dvije godine.

Samim početkom jula (01.07.2013.god.) održan je i prvi prekogranični sastanak projektnih

partnera na kojem su prisustvovali predstavnici partnerskih organizacija sa članovima projektnog tima. Na sastanku su predstavljene do sada provedene aktivnosti u projektu te usuglašen daljnji tijek provedbe projekta. Također je utvrđen sadržaj Memoranduma o razumijevanju između projektnih partnera kojeg su u ime projektnih partnera potpisali g. Mirko Đinđić, direktor Javne ustanove za upravljanje zaštićenim dijelovima prirode Zadarske županije, gđa. Esmā Hergić, predstavnica Općine Bosanska Krupa, g. Rudolf Dvorski, dožupan Zadarske županije, g. Emdžad Galijašević, načelnik Općine Bihać, g. Ivica Vlakić, dogradonačelnik Zadra i gđa. Zrinka Delić, direktorica Centra za promociju lokalnog razvoja - PLOD Centra Bihać.

CREDO Krajina

Centar za promociju lokalnog razvoja – PLOD Centar Bihać vršio je anketiranje vodećih poduzeća na području Unsko – sanskog kantona u sklopu projekta "CREDO Krajina". Podaci koji su prikupljeni anketiranjem te se na osnovu njih sačinila analiza četiri sektora najzastupljenija na našem području (drvo, metal, prehrana i IT), a pomoći će kvalitetnijoj implementaciji projekta u

svrhu dobivanja jasnije slike stanja poduzetništva i problema sa kojima se vodeća poduzeća u Unsko – sanskom kantonu susreću.

«CREDO Krajina» je projekat koji finansira Švedska agencija za međunarodni razvoj i saradnju SIDA, a implementira Agencija za razvoj preduzeća «Eda» iz Banjaluke u saradnji sa Udruženjem za razvoj NERDA iz Tuzle.

Cilj projekta je da se poboljša konkurentnost malih i srednjih poduzeća na području Krajine kako bi se kreirala i održala radna jesta, smanjilo siromaštvo i poboljšao ekonomski status ovog područja. Projekat treba da omogući kreiranje 250 novih radnih mjesta i održavanje do 1000 radnih mjesta u kompanijama / sektorima obuhvaćenim projektnim intervencijama.